

Resentì sco intervenziun en il cumbat

Il post da mediaziun da la SSR è sa fatschentà cun l'emissiun da SRF davart il luf

DAD ANDREAS CADONAU/FMR

■ Il post da mediaziun da la Societad svizra da Radio e Televisiun n'è betg da l'opiniun che l'emissiun «Netz Natur» da SRF dals 27 d'avust davart il luf haja cuntrafatg a la lescha da radio e televisiun. Il post constatescha dentant ch'intginas explicaziuns da la emissun possian senz'auter vegnir resentidas sco intervenziun en il cumbat electoral. Cun bundant 50 intervenziuns è il post da mediaziun da la Societad svizra da Radio e Televisiun sa fatschentà. Intervenziuns drizzadas vers l'emissiun «Netz Natur» dals 27 d'avust davart il luf en Svizra. Damai che las reclamaziuns vers l'emissiun èn fitg sumegliantas è il post da mediaziun sa decidi da tractar tuttas en ina, sco il post scriva en la risposta drizzata als adressats da las intervenziuns. Il post da mediaziun scriva tranter auter dal fil cotschen da l'emissiun che saja sa fatschentà cun il spazi da viver dal luf, ses comportament e cun las dumondas da la convivenza cun il cars-tgaun. Il post da mediaziun è dentant da l'avis che la redacziun da «Netz Natur» na saja betg suandada consequent a sia finamira ed a las explicaziuns biologicas. Gia en l'introducziun laschia *Andreas Moser*, il manader da la redacziun da «Netz Na-



Tenor il parairi dal post da mediaziun da SSR ha *Andreas Moser* derasà sia tenuta persu-nala davart la lescha da chatscha via l'emissiun *Netz Natur*.

FOTO CAROLE FLEISCHMANN

ture», savair il publicum cler sia atgna tenuta cun explicar: «A blera glied n'èsi dentant betg enconuschent ch'i è pussaivel da sajetar gia oz in luf tenor dretg ver-tent sch'el chaschuna blers donns tar animals da niz u selvadis...» Era sche quella explicaziun saja stada manegiada sco infurmaziun, senza valitaziun na saja ella betg, segir betg quatter emnas avant la votaziun, scriva il post da mediaziun. L'explicaziun: «A blera glied n'èsi enconuschent...» possia vegnir valetada sco

parola da Na el senn da: «Tgi che sa ch'il luf po gia ussa vegnir sajettà, sa era ch'ei dovrà nagina nova lescha.»

Dumondas valetadas per commentari

Il post da mediaziun pledenta vinavant intginas dumondas persunalas dad *Andreas Moser* stipuladas a la fin da la emissun. Per la redaziun sco per il post da mediaziun èn quellas dumondas da valetar sco commentaris. Sche la redacziun da «Netz Natur» vesia il basegn da l'emis-

Il post da mediaziun

(fmr/ac) Dapi l'entschatta avrigl 2020 sa cumpona il post da mediaziun da la SSR da la schurnalista ed anteriura schefredactura dal *Tages Anzeiger*, *Esther Girsberger* e da *Kurt Schöbi*, manader da la sparta medias ed informatica tar la Scuola auta pedagogica dal chantun Lucerna. Il post da mediaziun na posseda nagina competenza da relaschar directives. El intermediescha tranter ils emetturs da SRF ed il public. Pass giuridics vers mancanzas supponidas da SRF pon ins instradar tar l'Autoritad indipendente da recurs da radio e televisiun.

sco intervenziun. Avant la votaziun avess la redacziun da *Netz Natur* stuì renconuscher quai aspect ed impedir tal, scriva il post da mediaziun.

Nagina cuntravenziun

Ina cuntravenziun cunter il principi da l'objectivitat u cunter da la diversitad da las opiniuns na vesa il post da mediaziun dentant betg. Tantpli perquai che *Andreas Moser* na haja betg derasà parolas concretas mabain formulà ses patratgs sco dumondas. E la emissun saja part dad ina emna da temas cun diversas emissiuns da SRF ch'èn sa fatschentadas cun il luf e la votaziun da la lescha da chatscha. Vinavant saja l'emissiun vegnida emessa quatter emnas avant la votaziun. Directivas pli severas pertutgant l'equiliber da mintga singula emissiun existian pir per l'emna avant la votaziun, fa il post da mediaziun a savair. La reproscha stipulada en las intervenziuns che la populaziun muntgarda vegnia svaletada a moda pauschala da la emissun na parta il post da mediaziun da la SSR betg. En la contribuziun vegnian ils divers aspects e las experienzas cun il luf pledentads e tematisads. Ils aspecturs vegnian confruntads cun experienzas ed opiniuns da diversas personas directamain pertutgadas da la preschientscha dal luf, scriva il post da mediaziun.

sun en ina infurmaziun objectiva drizzada al nov stan da las enconuschientschas scientificas, lu stoppia ella buc esser surstada da las reacziuns, concluda il post da mediaziun: reacziuns drizzadas vers ils commentaris e las dumondas formuladas dal moderatur e menader da la redacziun. Curt avant la votaziun possian talas dumondas e tals commentaris vegnir resentids sco insinuaziun e provocaziun. La participaziun activa supplementara a la discussiun politica possia vegnir valetada